

sol er die Häupt vnd Kriegsleut Ihrer pflicht erinnern/ vnd so jemand betretten/ vnd sich solches vnderstunde/ daß sol er dem Profossen vberantworten. Des Articuls Brieffs sol er gut achtung vnd auffehens haben/ darmit die Kriegsknecht keiner dem Andern sein Harnisch/ Wehr/ Spieß oder Hacken auff der Munsterung dahrleihe: wo aber daruber einer befunden wurt/ mit dem sol man gleicher massen handlē/ wie negst gemelt/ nach lauth des Articuls Brieff

Es sol mit dem ersten Blaeth nachfolgender weiß gehandelt werden.

Nemlich/ dem Hauptman Zehen Solt.

Item dem Fenreich Acht Solt.

Des Hauptmans vnd Fenreichs Bubhen/ jedem ein Monat Solt. Vnd den andern auff Ihren nammen im Register/ als Fuehrer vnd beide Weibel/ jedem ein Solt im ersten blath.

Beiden Pfeiffer vnd Drommenschläger/ jeden zwehn Monat Solt/ vnd nichts weiters folgen.

Item zweien Drabanten/ jedem zwehn Solt. Im Ersten blath sol dem Veldtweibel ein Solt/ vnd im Andern des Obristen Staeth drey Solt haben/ nach lauth der verzeichnung des ersten blaets.

Item so vnder einem Fenlein so viel Adelige personen wehren/ die mit den hundert vbersolt nicht möchten vnterhalten werden/ Dieselben sol der Munster Herr auffzeichnen/ vnd zum furderlichsten/ neben seine guetduncken zu wissen thun/ vnd was vns nach gelegenheit der Personen/ vñ anzal den vbersolt die sie begeren berichten/ vnd mit so viel solt sie möchten zu frieden gestalt werden.

Es sol derselb vnser Commissari daran sein/ daß sich gemelt vnser Kriegsvolck von stundt an nach der Munsterung enthalte / vnd auffslengste den zukunfftigen Monat fort drucken.

Krieges Ordnung/

wie mann in gegenwardt der gemeinen Knechte/ die Munsterung ankündigen vnd bestellen mit kurzen einfältigen worten/ so im Cölnischen Kriege ist gebraucht worden/ bey dem Feinde vnd auch bey dem Freunde/ auch wie man den Artickels Brieff vnd Eydespflicht verlesen/ vnd ernstlich einbinden soll.

Anfenglich